



სსიპ საქართველოს შსს მომსახურების სააგენტო
სატენდერო დოკუმენტაცია

ელექტრონული ტენდერის საშუალებით

სახელმწიფო საწარმო ნიშნების ჰიდრავლიკური წნეხის, მისი კლიშეებისა და

თერმომტვიფრავი დანადგარის (კომპლექტში) შესყიდვა

CPV-42900000

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვების პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავჯდომარის 2011 წლის 7 აპრილის №9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ელექტრონული სისტემის მეშვეობით, საჭიროების შემთხვევაში შემდგომ ორიგინალის წარმოდგენით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.5 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.

1.6 პრეტენდენტს არა აქვს უფლება წარმოადგინოს ალტერნატიული წინადადება.

სატენდერო დოკუმენტაციის შესახებ დამატებითი ინფორმაციის და განმარტებებისათვის მიმართეთ სატენდერო კომისიას: ანტონ გლავაცკი ტელ: 577 57 97 79; ტექნიკური სპეციფიკაციასთან დაკავშირებით დამატებითი ინფორმაციის და განმარტებებისათვის მიმართეთ: დეივიდას ახუნდოვს, ტელ: 577 77 30 01. მის: ქ. რუსთავი, თბილისი-წითელი ხიდის გზატკეცილის 21-ე კმ.

2. ტექნიკური დოკუმენტაცია და სხვა პირობები

2.1 სატენდერო წინადადების ფასი:

2.1.1 შესყიდვის სავარაუდო ღირებულებაა 784 000,00 (შვიდას ოთხმოცდაოთხი ათასი) ლარი.

2.1.2 შესყიდვის ობიექტია სახელმწიფო სანომრე ნიშნების ჰიდრავლიკური წნეხი, მისი კლიშეები და თერმომტვიფრავი დანადგარის კომპლექტში. კომპლექტში უნდა შედიოდეს ჰიდრავლიკური წნეხი, ყველა მოთხოვნილი ფორმატის დაფებით, კლიშეები (შრიფტის) კომპლექტში (არსებული სახელმწიფო ნომრების შესაბამისად) და თერმომტვიფრავი დანადგარი.

2.1.3 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და სატენდერო დოკუმენტაციით განსაზღვრული შესყიდვის ობიექტის მიწოდების პირობების შესაბამისად.

2.1.4 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში. მიმწოდებლის მოთხოვნის შემთხვევაში ვაჭრობის შედეგად დაფიქსირებული საბოლოო ფასი ხელშეკრულების გაფორმების დროს დაკონვერტირდება მიმწოდებლის მიერ მოთხოვნილ ვალუტაში, ელექტრონული ვაჭრობის გამართვის დღისთვის საქართველოს ეროვნული ბანკის მიერ დადგენილი კურსით.

2.2 ანგარიშსწორების პირობები:

2.2.1 ანგარიშსწორება განხორციელდება უნაღდო ანგარიშსწორებით ეროვნულ ვალუტაში - ლარში (მიმწოდებლის მიერ მოთხოვნილ ვალუტაში ხელშეკრულების გაფორმების შემთხვევაში, ანგარიშსწორების დღეს არსებული საქართველოს ეროვნული ბანკის მიერ დადგენილი კურსის შესაბამისად);

2.2.2 ანგარიშსწორება მიმწოდებელთან განხორციელდება შესყიდვის ობიექტის მიწოდებისა და შესაბამისი დოკუმენტაციის გაფორმებიდან 20 კალენდარულ დღეში.

- დაფინანსების წყარო: სსიპ - შსს მომსახურების სააგენტოს საკუთარი შემოსავლები.

2.3 შესყიდვის ობიექტის (კომპლექტში) ტექნიკური მახასიათებლები:

2.3.1 ჰიდრავლიკური წნეხი

ჰიდრავლიკური წნეხი უნდა პასუხობდეს შემდეგ მინიმალურ ტექნიკურ და პროგრამულ მოთხოვნებს:

1. დანადგარი უნდა უზრუნველყოფდეს ერთ რიგიანი და ორ რიგიანი ალუმინის ტიპის სანომრე ფირფიტების დამუშავებას;
 - 520 x 112 მმ
 - 280 x 180 მმ
 - 180 x 140 მმ

შენიშვნა: დანადგარს უნდა გააჩდეს თავისი დაფა ან დაფები ყველა ტიპის სანომრე ნიშნების, რომელიც იძლევა საშუალებას, რომ კლიშეები განალაგდეს სწორ და ფიქსირებულ პოზიციებზე;

2. წნეხის დაწოლის სიმძლავრე არა ნაკლებ 350 kN ;
3. პერსონალიზაციის დრო არა უმეტეს 3 წამისა;
4. ელექტრო მოხმარება ~230 V/50Hz, 1 ფაზიანი ან ~400 V/50Hz, 3 ფაზიანი;
5. დანადგარს უნდა გააჩნდეს წნევის რეგულატორი;
6. ინტეგრირებული Touch მონიტორი, ზომა არანაკლებ 9“;
7. თავსებადობა Windows სისტემასთან;
8. ავტორიზაცია მომხმარებლით და პაროლით სწრაფი შესვლისთვის (Fingerprint ან HID cards);
9. უნდა ჰქონდეს 2D წამკითხველი, რომელიც წაიკითხავს სანომრე ნიშნებზე არსებულ მატრიცულ ბარ კოდს;
10. მიმწოდებელმა უნდა უზრუნველყოს შემსყიდველის წვდომა დანადგარის ლოკალურ მონაცემთა ბაზაზე და SDK-ზე ასეთის არსებობის შემთხვევაში;
11. დანადგარი უნდა ცნობდეს კლიშეს და არასწორად ჩადების დროს უნდა იძლეოდეს მინიშნებას;
12. დანადგარი უნდა იყოს აღჭურვილი TCP/IP კომუნიკაციით და მუშაობდეს ქსელში (IP-ის მინიჭება, დადგენა და კონფიგურაცია არ უნდა იყოს შეზღუდული);
13. დანადგარი უნდა ამოწმებდეს დალაგებული შრიფტის და მოსული შეკვეთის იდენტურებას, შეცდომის შემთხვევაში ბლოკავდეს პერსონალიზაციის პროცესს;
14. უნდა გააჩნდეს დაზიანებული ნომრის გადაბეჭდვისთვის ფუნქცია;
15. დანადგარს უნდა შეეძლოს, დაიმახსოვროს მთელი პროცესი ლოკალურ ბაზაში, პერსონალიზაციის ნომერი, დრო, მომხმარებლები, უნიკალური ნომერი და ა.შ.
16. უნდა აკონტროლებდეს ფირფიტების უნიკალურობას;
17. გამარჯვებულმა პრეტენდენტმა (მიმწოდებელმა) სრულად უნდა უზრუნველყოს აპარატურის პროგრამული უზრუნველყოფის ინტეგრირება შსს მომსახურების სააგენტოს პროგრამებთან;
18. დანადგარი უნდა იყოს წარმოებული მოქმედი ევროპული დირექტივის (2006/42/EC) შესაბამისად და ჰქონდეს CE მარკირება;



19. საგარანტიო პერიოდი მიწოდებიდან არანაკლებ 1 წელი. საგარანტიო პერიოდში მიმწოდებელმა უნდა უზრუნველყოფს ხარვეზ(ებ)ის აღმოფხვრა შემსყიდველის შეტყობინებიდან არაუგვიანეს 15 სამუშაო დღის განმავლობაში, ხოლო თუ დანადგარი არ ექვემდებარება აღდგენას შეცვალოს იგი ახალი დანადგარით 30 სამუშაო დღის განმავლობაში;
20. მიმწოდებელი საქონლის მიწოდებიდან 5 წლის განმავლობაში იღებს ვალდებულებას მიაწოდოს შემსყიდველს არა საგარანტიო სერვისი. მიმწოდებელმა უნდა უზრუნველყოს ხარვეზ(ებ)ის აღმოფხვრა შემსყიდველის შეტყობინებიდან არაუგვიანეს 15 სამუშაო დღის განმავლობაში;
21. მიმწოდებელმა უნდა უზრუნველყოს დანადგარის ინტერფეისის და პროგრამის შექმნა შემსყიდველის მოთხოვნის შესაბამისად;

22. დანადგარს უნდა მოყვებოდეს თაროები დანადგარის კორპუსის კონსტრუქციაში ან ცალკე მისადგამი უჯრები, სადაც განლაგდება კლიშეები;
23. დანადგარის დიაგნოსტიკა შესაძლებელი უნდა იყოს ონლაინ რეჟიმში;

შენიშვნა:

მე-17 და 21-ე ქვეკუთხედების მოთხოვნების შესრულებისათვის აუცილებელი დამატებითი ინფორმაცია

შემსყიდველს (შსს მომსახურების სააგენტოს) გააჩნია ნომრების მართვის და ბრუნვის შიდა სისტემა, რომელიც უზრუნველყოფს შეკვეთების დარეგისტრირებას, მათ შესრულებასა და სანომრე ფირფიტების კონტროლს. სისტემა ასახავს და ჩამოწერს დაბეჭდილ და/ან დაზიანებულ ფირფიტებს.

იმ გარემოებიდან გამომდინარე, რომ აუცილებელია ეს ინფორმაცია რეალურ დროში ასახული იყოს შსს მომსახურების სააგენტოს სისტემაში, წნეხი უნდა იყოს ინტეგრირებული არსებულ სისტემასთან და უნდა ხდებოდეს ინფორმაციის გაცვლა წნეხსა და ძირითად სისტემას შორის მაქსიმალურად რეალურ დროში (დასაშვებია 1-2 წუთის დაგვიანება).

შსს მომსახურების სააგენტო მონაცემების შესანახად იყენებს Oracle-ის მონაცემთა ბაზებს.

თავად სანომრე ნიშნების ტიპები და ფირფიტები განსხვავდება სიმბოლოების ფორმატით და რაოდენობით, ხოლო ფირფიტების ტიპები ზომით და ფერით. იმ გარემოებიდან გამომდინარე, რომ შსს მომსახურების სააგენტოს სისტემაში არსებობს საწყობის სისტემა, რომელიც აღრიცხავს მიღებული და გამოყენებული, დაზიანებული ფირფიტების რაოდენობას, საჭიროა, რომ წნეხსა და სისტემას შორის იყოს მუდმივი კომუნიკაცია მიღებულ და შესრულებულ შეკვეთებზე, ასევე ძირითად სისტემაში უნდა შედიოდეს ინფორმაცია დაზიანებული ფირფიტების შესახებაც.

ამასთანავე, შსს მომსახურების სააგენტო იღებს სხვადასხვა ტიპის შეკვეთებს. კერძო შეკვეთა და სერიული შეკვეთა. ასევე შესაძლებელია სპეციფიური ტიპის შეკვეთების მიღებაც, რომელთა შესახებაც ინფორმაცია კომფიდენციალურია და დამატებითი ინფორმაციის მიწოდება მოხდება მხოლოდ ტენდერში გამარჯვებულ მიმწოდებელთან. ყოველივე აღნიშნულის გათვალისწინებით, დგება აუცილებლობა, რომ სხვადასხვა ტიპის შეკვეთების დაყოფა შესაძლებელი იყოს დანადგარის პროგრამული უზრუნველყოფის ინტერფეისში.

მომხმარებლების მენეჯმენტი უნდა იყოს მაქსიმალურად მოქნილი. არ უნდა იყოს აუცილებელი თითოეულ წნეხის სისტემაში ცალ-ცალკე მომხმარებლების რეგისტრაცია. უნდა იყოს ინტეგრირებული შსს მომსახურების სააგენტოს სისტემასთან და ავტორიზაციის შემდგომ დანადგარი ინფორმაციას მომხმარებლის შესახებ უნდა იღებდეს შემსყიდველის მონაცემთა ბაზიდან. დანადგარის მომხმარებლებს უნდა გააჩნდეთ უფლებები და დაშვებები. მაგ.: user1 -ს შეეძლოს მხოლოდ დათვალიერება მიღებული შეკვეთების, user2-ს შეეძლოს დათვალიერებაც და შეკვეთების შესრულებაც და ა.შ.

2.3.2 კლიშეები (შრიფტის) კომპლექტში (არსებული სახელმწიფო ნომრების შესაბამისად)


24. ერთი კლიშე (ასო, ციფრი, ტირე) შედგება 2 ნაწილისაგან (ზედა და ქვედა), თითოეული ნაწილის სიმაღლე (სისქე) 5მმ-დან – 14 მმ-ის ჩათვლით;
25. კლიშე(ები) დამზადებულ უნდა იქნას მყარი მასალისაგან, რომელიც გაუძლებს წნეხის დაწოლის სიმძლავრეს;
26. 1 (ერთი) დანადგარს უნდა მოყვებოდეს „A“ და „B“ ტიპის შრიფტების (იხ.ქვემოთ) შესაბამისი კლიშეების 1 (ერთი) კომპლექტი, რომელიც უნდა შედგებოდეს „A“ და „B“ ტიპის შრიფტებისათვის შესაბამისად 173 - 173 ერთეულისგან, სულ: 346 ერთეული. კერძოდ:

ა) A-დან Z-ის ჩათვლით თითოეული ასო 5 (ხუთი) ერთეული, სულ 130-130 ერთეული;


ბ) 0-დან 9-ის ჩათვლით თითოეული ციფრი 4 (ოთხი) ერთეული, სულ 40-40 ერთეული;

გ) ტირე (-) 3 (სამი) ერთეული (ტირეს პარამეტრები სანომრე ნიშნებისათვის იდენტურია „A“ და „B“ ტიპის შრიფტებისათვის და შეადგენს 20 მმ X 9 მმ), სულ 3-3 ერთეული.

შრიფტი „A“ ტიპის



შრიფტი “B” ტიპის



2.3.3 თერმომტვიფრავი დანადგარი

27. დანადგარი უნდა უზრუნველყოფდეს ერთ რიგიანი და ორ რიგიანი ალუმისის ტიპის სანომრე ფირფიტების დამუშავებას;
 - 520 x 112 მმ
 - 280 x 180 მმ
 - 180 x 140 მმ
28. დანადგარის წარმადობა არანაკლებ 800 ნომერი 1 საათში;
29. ელექტრო მოხმარება ~230 V/50Hz, 1 ფაზიანი მაქსიმუმ (2 kW);
30. დანადგარს უნდა გააჩნდეს სიჩქარის რეგულატორი;
31. დანადგარს უნდა გააჩნდეს ლენტის დაჭიმვის რეგულატორი;
32. დანადგარს უნდა გააჩნდეს დოლურას (ე.წ. ბარაზნის) ტემპერატურის რეგულატორი და გადაცხელების საწინააღმდეგო მაკონტროლებელი მექანიზმი;
33. დანადგარი უნდა იყოს წარმოებული მოქმედი ევროპული დირექტივის (2006/42/EC) შესაბამისად და ჰქონდეს CE მარკირება;



34. საგარანტიო პერიოდი მიწოდებიდან არანაკლებ 1 წელი. საგარანტიო პერიოდში მიმწოდებელმა უნდა უზრუნველყოფს ხარვეზ(ებ)ის აღმოფხვრა შემსყიდველის შეტყობინებიდან არაუგვიანეს 15 სამუშაო დღის განმავლობაში, ხოლო თუ დანადგარი არ ექვემდებარება აღდგენას შეცვალოს იგი ახალი დანადგარით 30 სამუშაო დღის განმავლობაში;

35. მომწოდებელი საქონლის მიწოდებიდან 5 წლის განმავლობაში იღებს ვალდებულებას მიაწოდოს შემსყიდველს არა საგარანტიო სერვისი. მიმწოდებელმა უნდა უზრუნველყოს ხარვეზ(ებ)ის აღმოფხვრა შემსყიდველის შეტყობინებიდან არაუგვიანეს 15 სამუშაო დღის განმავლობაში;

2.4 საქონლის მიწოდების ვადები და პირობები

2.4.1 შესყიდვის ობიექტის (კომპლექტში) მიწოდების ვადა: ხელშეკრულების გაფორმებიდან 150 (ასორმოცდაათი) კალენდარული დღე.

2.4.2 მიწოდების ადგილი და პირობა: **CIP Tbilisi, Incoterms 2010-ს პირობების მიხედვით.**

2.5 პრეტენდენტის გამოცდილება, საგარანტიო მომსახურეობის და ტექნიკური მხარდაჭერის პირობები

2.5.1 პრეტენდენტმა უნდა წარმოადგინოს ინფორმაცია 2013-2015 წლებში მის მიერ განხორციელებულ ანალოგიური საქონლის (მინიმუმ 2 (ორი) ერთეული ჰიდრაავლიკური წნეხის) წარმოების და/ან მიწოდების შესახებ (პრეტენდენტის მიერ ატვირთულ უნდა იქნას შესაბამისი დოკუმენტები (ხელშეკრულებები, მიღება-ჩაბარების აქტები და/ან სხვა დოკუმენტები), ან მითითებულ იქნას სხვა ოფიციალური ინფორმაცია, რომლის მიხედვითაც შესაძლებელი იქნება პრეტენდენტის მიერ ანალოგიური საქონლის მიწოდების და/ან წარმოების დადასტურება).

2.5.2 საქონლის რეალიზატორმა პრეტენდენტმა უნდა წარმოადგინოს ტექნიკის მწარმოებელთან საპარტნიორო ურთიერთობის დამადასტურებელი დოკუმენტი.

2.5.3 მიმწოდებელი ვალდებულია განახორციელოს მოთხოვნილი დანადგარის და პროგრამული უზრუნველყოფის სრულად ინტეგრაცია შემსყიდველის მოთხოვნის შესაბამისად და შემსყიდველის მოთხოვნის შემთხვევაში უზრუნველყოს სწავლება/ტრენინგი საქონლის მიწოდებიდან 10 სამუშაო დღის განმავლობაში.

2.6 ხელშეკრულების უზრუნველყოფის საბანკო გარანტია

2.6.1 ტენდერში გამოყენებულ იქნება ხელშეკრულების უზრუნველყოფის საბანკო გარანტია, ხელშეკრულების საერთო ღირებულების **5%**-ის ოდენობით.

2.6.2 ხელშეკრულების უზრუნველყოფის საბანკო გარანტიის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას.

2.6.3 იმ შემთხვევაში, თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ით და მეტით დაბალია შესყიდვის ობიექტის სავარაუდო ღირებულებაზე, ხელშეკრულების გაფორმებამდე მიმწოდებელმა უნდა წარმოადგინოს ხელშეკრულების შესრულების უზრუნველყოფის საბანკო გარანტია ხელშეკრულების საერთო ღირებულების 10%-ის ოდენობით. თეთრ სიაში დარეგისტრირებული მიმწოდებლის შემთხვევაში აღნიშნული საბანკო გარანტიის ოდენობა ნახევრდება.

2.7 დამატებითი მოთხოვნები

2.7.1 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.

2.7.2 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

2.7.3 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

2.8 პრეტენდენტის მიერ ერთიან ელექტრონულ სისტემაში ასატვირთი დოკუმენტები:

ა) პრეტენდენტის რეკვიზიტები დანართი N1-ის შესაბამისად;

ბ) ფასების ცხრილი დანართი N2-ის შესაბამისად (რომელშიც ასახული იქნება დეტალური ინფორმაცია შემოთავაზებული საქონლის ტექნიკური მახასიათებლების, საგარანტიო პირობების და ა.შ შესახებ), სატენდერო დოკუმენტაციის 2.3 პუნქტის მოთხოვნების გათვალისწინებით. აგრეთვე მითითებულ იქნება მისაწოდებელი საქონლის სასაქონლო მარკა, მწარმოებელი და წარმოშობის ქვეყანა.

გ) ინფორმაცია ანგარიშსწორების პირობების შესახებ სატენდერო დოკუმენტაციის 2.2 პუნქტის მოთხოვნების შესაბამისად

დ) ინფორმაცია შესყიდვის ობიექტის მიწოდების ვადების და პირობების შესახებ, სატენდერო დოკუმენტაციის 2.4 პუნქტის მოთხოვნების გათვალისწინებით.

ე) დეტალური ინფორმაცია პრეტენდენტის გამოცდილების, საგარანტიო მომსახურების და ტექნიკური მხარდაჭერის პირობების შესახებ სატენდერო დოკუმენტაციის 2.5 პუნქტის მოთხოვნების შესაბამისად (2.5.1 პუნქტის მოთხოვნის უზრუნველსაყოფად შესაძლებელია პრეტენდენტის მიერ ატვირთულ იქნას შესაბამისი დოკუმენტები (ხელშეკრულებები, მიღება-ჩაბარების აქტები და/ან სხვა დოკუმენტები), ან მითითებულ იქნას სხვა ოფიციალური ინფორმაცია, რომლის მიხედვითაც შესაძლებელი იქნება პრეტენდენტის მიერ 2.5.1 პუნქტით განსაზღვრული, ანალოგიური საქონლის (მინიმუმ 2 (ორი) ერთეული ჰიდრავლიკური წნეხის) მიწოდების და/ან წარმოების დადასტურება).

ლ) რეზინდენტის შემთხვევაში - ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან (ფიზიკური პირების გარდა), ხოლო არარეზინდენტის შემთხვევაში - ამონაწერი შესაბამისი ქვეყნის სახელმწიფო ორგანოდან (ამონაწერი გაცემულ უნდა იყოს - „ტენდერის გამოცხადების თარიღი“-ს შემდგომ).

შენიშვნა: სისტემაში ატვირთული დოკუმენტები ხელმოწერილი უნდა იყოს ხელმძღვანელის ან პრეტენდენტის უფლებამოსილი პირის მიერ შესაბამისი უფლებამოსილების დამადასტურებელი დოკუმენტის თანდართვით.

შენიშვნა:

1. სსიპ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მე-11 მუხლის მე-2¹ პუნქტის შესაბამისად:

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, უნდა დასაბუთდეს შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით და/ან ანგარიშფაქტურით (ინვოისით), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

დანართი #1

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ბანკის დასახელება:

ანგარიშსწორების ანგარიში:

დანართი N2

#	შესყიდვის ობიექტის დასახელება	საქონლის ტექნიკური და ხარისხობრივი მონაცემები (საქონლის მოდელის, მწარმოებლის და წარმოშობის ქვეყნის მითითებით)	რაოდენობა კომპლექტი	ერთეულის ღირებულება	საერთო ღირებულება	საგარანტიო ვადა და პირობები	მიწოდების ვადა	მიწოდების ადგილი
1	სახელმწიფო სანომრე ნიშნების ჰიდრაულიკური წნეხი, მისი კლიშეები და თერმომეტვიფრაგი დანადგარი (კომპლექტში)		4 კომპლექტი			სახელმწიფო სანომრე ნიშნების ჰიდრაულიკური წნეხის და თერმომეტვიფრაგი დანადგარისათვის, მიწოდებიდან არანაკლებ 1 (ერთი) წელი	ხელშეკრულების გაფორმებიდან 150 (ასორმოცდაათი) კალენდარული დღის განმავლობაში	CIP Tbilisi, Incoterms 2010-ს პირობების მიხედვით.
სულ ჯამი:					(მიმწოდებლის მიერ მოთხოვნილი ვალუტა)			

----- ლარი
(თანხა ციფრებით და სიტყვიერად)

პრეტენდენტის ხელმოწერა და ბეჭედი -----

ხელშეკრულება N _____

სახელმწიფო შესყიდვის შესახებ
(ელექტრონული ტენდერი SPA-----)

ქ. რუსთავი

“___” “_____” 2016წ.

სსიპ - საქართველოს შსს მომსახურების სააგენტო (მის: ქ. რუსთავი, თბილისი-წითელი ხიდის გზატკეცილის 21-ე კმ, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 205190513), შემდგომში - „შემსყიდველი“, წარმოდგენილი სააგენტოს დირექტორის დათო ნიკოლეიშვილის სახით და მეორეს მხრივ,

მიმწოდებელი: შპს, ს/ს _____, საიდენტიფიკაციო კოდი _____ ;

მისამართი, ტელეფონი: _____

დირექტორი: _____

საბანკო რეკვიზიტები: _____ ბ/კოდი: _____ ; ანგ. ანგ: _____

სამივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

1 გამოყენებული ტერმინების განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება“ – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულების ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6 „საქონელი“ – წინამდებარე ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „ტექნიკური დოკუმენტაცია“ - მიმწოდებლის მიერ SPA----- ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2 ხელშეკრულების საგანი

სახელმწიფო საწარმო ნიშნების ჰიდრაავლიკური წნეხის, მისი კლიშეების და თერმომტვიფრავი დანადგარის (კომპლექტში) შესყიდვა
დანართი #1-ის შესაბამისად
(CPV-42900000).

3 ხელშეკრულების ღირებულება

3.1 ხელშეკრულების ღირებულება: ----- (მიმწოდებლის მიერ მოთხოვნილი ვალუტა).

3.2 ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს.

3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4 მხარეთა ვალდებულებები

4.1 მიმწოდებელი ვალდებულია:

ა) უზრუნველყოს წინამდებარე ხელშეკრულებით გათვალისწინებული საქონლის მიწოდება დანართი N1-ში მითითებულ ვადებში და ადგილზე. მიწოდების ადგილი შესაძლებელია შეთანხმდეს როგორც წერილობით ასევე მის გარეშე;

ბ) გადასცეს შემსყიდველს უფლებრივად და ნივთობრივად უნაკლო საქონელი;

გ) ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;

დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს ხელშეკრულების შესრულების კონტროლი;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5 ხარისხი

5.1 მიწოდებული საქონლის ტექნიკური მახასიათებლები უნდა შეესაბამებოდეს ხელშეკრულების N1 დანართში მითითებულ მაჩვენებლებს და ხარისხი უნდა შეესაბამებოდეს დადგენილ სტანდარტებს.

5.2 საქონლის საგარანტიო ვადაა მიღება-ჩაბარების აქტის გაფორმებიდან დანართი N1-ში მითითებული ვადების შესაბამისად.

6 ხელშეკრულების შესრულების კონტროლი და მომსახურების მიღება-ჩაბარების წესი

6.1 შემსყიდველის მიერ მისაწოდებელი ან/და მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ამ ხელშეკრულების მოქმედების მთელი პერიოდის განმავლობაში შემსყიდველის მოთხოვნათა შესაბამისად.

6.2 ხელშეკრულების პირობების შესრულების კონტროლს განახორციელებს **სსიპ - საქართველოს შსს მომსახურების სააგენტოს შესაბამისი კომპეტენციის და უფლებამოსილების პირ(ებ)ი, რომელ(ებ)იც ასევე უფლებამოსილია საქონლის მიღება-ჩაბარების აქტის გაფორმებაზე**. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

6.3 შემსყიდველის შესაბამისი წარმომადგენელი უფლებამოსილია ჩაატაროს ხარისხის კონტროლი (და/ან გამოსცადონ საქონელი) და თუ აღმოჩნდება წუნდებული საქონელი, მიმწოდებელი ვალდებულია წერილობითი შეტყობინებიდან **5 (ხუთი)** სამუშაო დღის განმავლობაში გამოასწოროს წუნი ან თუ წუნის გამოსწორება შეუძლებელია და შემსყიდველს უკვე გადახდილი აქვს საქონლის ღირებულება დაუბრუნოს შემსყიდველს აღნიშნული საქონლის

ღირებულება.

6.4 თუ ამ მუხლის 6.3 პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.

6.5 შემსყიდველი უფლებამოსილია განაცხადოს უარი უხარისხო (წუნდებული), საქონლის თანმხლები აუცილებელი დოკუმენტაციის გარეშე ან დაგვიანებით მიწოდებული საქონლის ნაწილის ან მთლიანი მოცულობის მიღებაზე.

6.6 საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, შემსყიდველისა და მიმწოდებლის უფლებამოსილი წარმომადგენლების ხელმოწერით.

6.7 ამ მუხლის 6.2 პუნქტში მითითებული პირ(ებ)ის მიერ მიღება-ჩაბარების აქტის ხელმოწერით, საქონლის მიღებასთან ერთად დასტურდება ხელშეკრულების შესრულების კონტროლის განხორციელებაც.

6.8 იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

7 ანგარიშსწორება

7.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი, ანგარიშსწორების დღეს არსებული საქართველოს ეროვნული ბანკის მიერ დადგენილი კურსის შესაბამისად, **ან მიმწოდებლის მიერ მოთხოვნილი ვალუტა;**

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2 შემსყიდველი (სსიპ-შსს მომსახურების სააგენტო) იღებს ვალდებულებას გადაუხადოს მიმწოდებელს მიღებული საქონლის ღირებულება მიღება-ჩაბარების აქტის გაფორმებიდან და თანმდევი დოკუმენტაციის (საგადასახადო ანგარიშ-ფაქტურა, სასაქონლო ზედნადების და ა.შ.) გამოწერიდან/წარმოდგენიდან **20 (ოცი)** დღის განმავლობაში. თუ კი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8 ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მხარეებს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მხარეებს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

9 ხელშეკრულების პირობების შეუსრულებლობა

9.1 წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული **დანართი №1-ით განსაზღვრული** საქონლის მიწოდების ვადების გადაცილების შემთხვევაში ან 6.3 პუნქტით განსაზღვრული პირობების დარღვევის შემთხვევაში, მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე მიუწოდებელი ან/და წუნდებული საქონლის ღირებულების **0.2%-ის** ოდენობით.

9.2 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10 ხელშეკრულების შესრულების გარანტია

10.1 ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულების 5%-იანი საბანკო

გარანტია გამოიყენება ნებისმიერი ზარალის ანაზღაურების მიზნით, რომელიც მიაღება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.

10.2 ხელშეკრულების შესრულების უზრუნველყოფის საბანკო გარანტიის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების 14.1 პუნქტით განსაზღვრული ხელშეკრულების მოქმედების ვადას.

10.3 იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, ხელშეკრულების შესრულების უზრუნველყოფის საბანკო გარანტია უბრუნდება მიმწოდებელს მოთხოვნისთანავე.

11 ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით მხარეების უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მხარეებს შესაბამისი ინფორმაცია.

12 დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2 თუ ასეთი მოლაპარაკებების დაწყებიდან **5 (ხუთი)** დღის განმავლობაში მხარეები ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

13 ხელშეკრულების შეწყვეტა

13.1 შემსყიდველი უფლებამოსილია ხელშეკრულების ნებისმიერ ეტაპზე მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან საქართველოს კანონმდებლობით დადგენილ სხვა შემთხვევებში, რის შესახებაც შემსყიდველი წერილობით აცნობებს მიმწოდებელს.

13.2 შემსყიდველის მიერ ხელშეკრულების ცალმხრივად შეწყვეტის შემთხვევაში შემსყიდველი პასუხს არ აგებს ხელშეკრულების შეწყვეტის შედეგად გამოწვეული ზიანისათვის, გარდა საქართველოს კანონმდებლობით დადგენილი შემთხვევებისა.

13.3 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

13.4 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისგან.

14 ხელშეკრულების მოქმედების ვადა

14.1 წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს **2016 წლის 31 დეკემბრის ჩათვლით**.

14.2 წინამდებარე ხელშეკრულების 9.1 პუნქტი მე-5 და მე-6 მუხლები მოქმედებენ ამ ხელშეკრულების 5.2 პუნქტით განსაზღვრული ვადებისა და პირობების შესაბამისად.

15 ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული

მდგომარეობით.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16 სხვა პირობები

16.1 ხელშეკრულება შედგენილია ოთხი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ერთი ეგზემპლარი საპატრულო პოლიციის დეპარტამენტს, ხოლო ორი ეგზემპლარი სსიპ-შსს მომსახურების სააგენტოს.

16.2 ამ ხელშეკრულების დანართი №1 წარმოადგენს მის განუყოფელ ნაწილს.

17 მხარეთა რეკვიზიტები:

სსიპ - შსს მომსახურების სააგენტო,

მის: ქ. რუსთავი, თბილისი-წითელი ხიდის გზატკეცილის 21-ე კმ,

საბანკო რეკვიზიტები: სახელმწიფო ხაზინა,

კოდი - TRESGE22, საიდ. კოდი - 205190513

სააგენტოს დირექტორი

დათო ნიკოლეიშვილი

შპს/სს/იმ/ფპ „XXXXXX“,

მის: ქ. XXXX, XXXX ქ. №XX

ტელეფონი: XXX XX XX;

საბანკო რეკვიზიტები:

ა/ა № XXX XXX XXX XXX

სს „XXXX ბანკი“ ბ/კ XXXXXX,

ს/კ: XXXXXXXXXX

#	შესყიდვის ობიექტის დასახელება	საქონლის ტექნიკური და ხარისხობრივი მონაცემები (საქონლის მოდელის, მწარმოებლის და წარმოშობის ქვეყნის მითითებით)	რაოდენობა (კომპლ.)	ერთეულის ღირებულება	საერთო ღირებულება	საგარანტიო ვადა და პირობები	მიწოდების ვადა	მიწოდების ადგილი
1								
სულ ჯამი:				(მიწოდებლის მიერ მოთხოვნილი ვალუტა)				

სსიპ - შსს მომსახურების სააგენტო,
მის: ქ. რუსთავი, თბილისი-წითელი ხიდის გზატკეცილის 21-ე კმ,
საბანკო რეკვიზიტები: სახელმწიფო ხაზინა,
კოდი - TRESGE22, საიდ. კოდი - 205190513

სააგენტოს დირექტორი

დათო ნიკოლეიშვილი

შპს/სს/იმ/ფპ „XXXXXX“,
მის: ქ. XXXX, XXXX ქ. №XX
ტელეფონი: XXX XX XX;
საბანკო რეკვიზიტები:
ა/ა № XXX XXX XXX XXX
სს „XXXX ბანკი“ ბ/კ XXXXXX,
ს/კ: XXXXXXXXXX